

朝鮮歷代史略一

U 6  
4061  
1

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 40



印 998  
號 4061  
卷 1-3

學部編輯局新刊

# 朝鮮歷代史略

大朝鮮開國五百四年孟冬

朝鮮歷代史略目次

檀君朝鮮

箕子朝鮮

三韓 馬韓 辰韓 弁韓

衛滿朝鮮

四郡二府

新羅

高句麗

百濟

高麗

朝鮮歷代史各目次

一一









年實箕準獨立年數十七年

衛滿雖據朝鮮舊地正統歸之於箕準則不可與准比并故低一字書之

三韓雖一時并立正統既歸馬韓况辰韓本馬韓之所割與而又常以馬韓人作主并韓則東史諸書皆稱屬於辰韓辰并之於馬韓蓋是屬附故并低一字書之

四郡二府乃郡邑之制無君長可記故并低一字書之

新羅建國二十一年而句麗興四十年而百濟興三

國開倉差有先後而位均體敵不能主一故依綱目無正統例書之至新羅文武王統三為一故始以正統書之

高句麗東扶餘王得金蛙之事金蛙得柳花之說雖甚皇唐從古史姑錄之

朱子綱目君非正系或女主則王號君名皆細書故新羅之善德真德真聖高麗之辛禰辛昌一遵綱目例而書之

此書之撰本為歷年之考而歷代事變撮記於年條之下雖嘉言美事若非關係於國家者則皆闕之



國朝事實之表著者則略採國朝寶鑑攷事撮要等書以錄之一遵朱子綱目凡例後之君子其詳察釐正哉

東方史記有三國遺事高麗史東國通鑑等十餘種今皆湊集採錄而諸史及地誌所記有或相左者如檀君為神年歲不同之類是也或有疎漏者如箕子在位及壽不載之類是也博考載籍或證正歸一或分註入錄至若名賢所記事實亦入注脚以資參考

朝鮮歷代史略卷之一

檀君紀

檀君名王儉史記詳林作王儉東方初無君長有九種夷草衣木

食夏葉冬穴會神人降于太白山檀木下國人立

而為君號曰檀君盖以其孕生於神檀下故也愚

三國遺事乃東方始出之史檀君之檀似宜從土而諸史皆從木亦不敢任改今姑兩存之太白山今寧邊妙香山國號朝鮮初都平壤後都白岳今九

元年唐堯二十五年教民編髮盖首君臣男女飲食命彭

吳治國內山川以奠民居本記通鑑云牛首州有彭

壽春是牛首通道有彭吳牛首州今春川壽春即本

州別號元本金詩曰壽春是通道有彭吳云者似



大朝鮮國紀元前  
三千七百三十四年  
辰



紀元前三千甲  
八百八十年戊  
紀元前二千甲  
七百八十年子

誤

草魚... 卷之一

夏禹十遣子扶婁朝夏時禹會諸侯於塗山

商武丁入阿斯達亦九為神廟在平壤三聖祠檀君

居其一。按東國通鑑商王武丁八年為乙未而以

自元年壽辰至甲子計之在位一千七百七十

八百歲則檀君之享壽千餘歲亦無甚怪權近賦檀

君詩曰傳世不知幾歷年曾過千近之詩以一千十

以近言為是然諸史皆以商王武丁八年為檀君化

神之歲以後人臆見有難裁斷其必不然故今從舊

史書之若以商王武丁甲子為檀君末年則自甲子

至周武王已卯當歸之於檀君初都平壤後移白岳即九

二山至周武王封箕子於朝鮮檀君乃移唐藏京後

還隱此山化為神唐藏京在文化縣東。又按魏書

檀君王儉立都阿斯達開國號朝鮮與唐堯同時云

中國史所記與東史略同第東史所謂降于檀木下

化為神等說似涉誕謾然檀君首出御世在東方乃

洪荒之世遠古之事固多異蹟故今不敢妄論一從

舊史

箕子紀

箕子姓子氏名胥餘。按柳州集箕子碑註曰箕子

世家註箕國名子爵大稱箕子今邑中有箕子臺西

初聖師食采於箕故稱箕子今邑中有箕子臺西

華在開封府殷之太師即紂之諸父周武王克商

箕子東入朝鮮武王因封之而不臣也初箕子東

來中國人隨之者五千詩書禮樂醫巫陰陽卜筮

百工技藝皆從之而來既至言語不通譯而知之

朝鮮歷代史各卷之一



紀元前二千己  
五百十三年卯

○國號朝鮮都平壤

元年

周武王元年。○按申翊聖所撰經世補編戊子

也箕子之避入朝鮮必有於武王克商之初何待殷  
二後十年耶且玉堂網鑑箕子壬午夏朝周云壬午  
在於戊子之前戊子入朝鮮之說教民禮樂施八條  
大相逕庭補編所錄頗有可疑

之約崇信義篤經術逾年而民自化以成中國之風

矣按漢書相殺者以死償相傷者以穀償相盜者以

李暉光所著芝峯類說曰○區畫井田修德政勸農

桑時和歲豐朝野欣悅民生安樂各安其業以大同

江比黃河永明嶺比嵩山作歌以頌其德井田在平壤

城內遺跡至今宛然

紀元前二千壬  
五百十年午

朝周以素車白馬過故殷墟感作麥秀歌以寓意按

書大傳以朝周作歌為微子事且箕子有商其淪喪

我罔為臣僕之語若謂之朝周則即是臣修職也傳

箕子薨按震朝通紀曰箕子生於丙戌卒於墓

壤府按史記評林微子世家註索隱曰杜預云梁國

塚山東布政遼東司古蹟條云平壤城外有箕子墓

柔謹為風異乎西南北三方云柳宗元箕子碑所謂

惟道訓俗俾夷為華者真記實也箕子於我東實有

按東史諸書以箕否為箕子四方有箕子之遺化故歟

至箕否其間四世繼世之君不著見惜乎我東方

月詳歷代史各卷之二 三

紀元前二千戊  
百七十四年午



欲與兵伐燕以尊周室大夫禮諫而止云此必在於戰國之時亦不知其世系名號故不得表出而書之

慨可

箕否箕子四十

紀元前一千六百五十年

秦始皇三十三年服屬於秦時秦築長城抵遼東否畏而服

屬焉

箕準否之子○魏略曰朝鮮侯箕準始稱王與地勝覽所謂武東王即準也

紀元前一十五百八十五年未

漢惠帝元年燕人衛滿襲伐準準失國南遷先是燕王盧

綰叛入凶奴衛滿亡命聚黨為胡服東渡汨水求居

西界為藩屏準信之封之百里使守西鄙至是滿詐

稱漢兵大至請入守衛仍襲準準戰不敵出奔南遷

起箕子已卯止箕準丁未共九百二十九年按箕否箕

準明有世系名號是用特書而其在位年數亦不可考

三韓○馬韓辰韓弁韓

馬韓漢惠帝丁未箕準為衛滿所逐率其左右官人

浮海而南至金馬郡建國稱韓王統五十餘國大

國萬餘家小國數千家自準歷累世至漢成帝癸

卯高句麗東明王子溫祚南來求可居地遂割東

北百里以畀之至新莽已巳為溫祚所滅金馬郡今益山

起丁未止已巳共二百三年箕子傳祚前後合一

千一百三十一年按箕準借地衛滿既失其國其後孫又借地溫祚竟至敗亡



虎遺患後不徵前遂使仁賢之祀忽諸惜哉又考  
李廷龜箕子崇仁殿碑畧曰末有孱孫三人日親  
其後為韓氏日平為奇氏日諫入龍岡烏石山以  
傳鮮于世系韻書曰鮮于子姓周封箕子于朝鮮  
支子仲食采於于因因氏鮮于趙孟頫贈鮮于封於朝  
鮮其子食采於于因因氏鮮于趙孟頫贈鮮于封於朝  
較箕子之後多髯翁鮮于之為箕子後不旣章明  
孫寔自泰川來居殿側遂以寔為箕子後揭殿號  
日崇仁拜寔為殿監子孫世受云此條箕子後事  
且關我朝崇奉之義故并錄之

辰韓秦之亡人避役入韓韓割東界以與之號辰  
韓或稱秦韓言語有類秦故也統十二國大國四  
五千家小國六七百家常用馬韓人作主不能自  
立後其地為新羅始祖所都按東史曰秦人避入

在於秦時而其傳  
世歷年皆不可考

弁韓不知其始而屬於辰韓亦統十一國後以其

地降于新羅按東史曰弁韓屬於辰韓云則弁韓

未詳世系年數又按漢書曰馬韓在西辰韓在東

弁韓在辰韓之南與倭接又曰弁韓與辰韓雄居

衣服居處言語風俗皆同云其日與倭接則南濱

海可知其日與辰韓雄居則地之相近亦無疑蓋

謂地必在於嶺南右道之南邊韓伯謙所

衛滿朝鮮

衛滿漢惠帝元年丁未滿逐箕準據王儉城國號

亦稱朝鮮都王儉城今平壤侵降其方邑數千里漢

武帝時滿孫右渠誘納漢亡人滋多未嘗入覲于



帝辰國欲朝漢右渠壅閼使不得帝責諭之右渠終不肯奉朝殺漢使者元封三年癸酉帝遣濟南太守公孫遂征之國人殺右渠以降分其地為四郡起丁未止癸酉共八十七年

四郡

樂浪即朝鮮本地以朝鮮臨菑即濊國地以東

玄菟即東沃沮地或云真蕃以雲縣郡為邑治

按史略註云蕃音婆○漢昭帝始元五年己亥改

紀元前一千四百九十五年

四郡為二府自癸酉至己亥共二十七年

二府

平州都督府以玄菟真蕃東府都督府以樂浪臨

府漢元帝建昭二年甲申二府為高句麗始祖所

并自己亥至甲申共四十六年

三國紀

新羅 高句麗 百濟

新羅都辰韓地今慶州。按東史新羅建國之初號

新羅羅林至智證王時定國號曰新羅

赫居世姓朴氏名赫居先時朝鮮遺民分居于東海

濱山谷間為六村而無君長漢宣帝地節元年壬

紀元前一千四百七十二年



子六村長俱會於闕川岸上高虛村長蘇伐公望  
見楊山麓蘿井林間有異氣尋檢之有一大卵剖  
得嬰兒形儀端美浴於東川身生光彩鳥獸率舞  
六部人以其生神異收養之立而為君年十三號  
居西干居西于方言尊丈之稱其以朴為姓者以  
所剖之卵似瓢方音以瓢為朴故也在位六十一  
年

**元年** 漢宣帝五年

**五年** 立闕英為妃初龍見於闕英井右脇生女有老  
嫗異而養之以井名之及為妃能內輔人稱二帝

紀元前二千四百甲  
百四十八年子  
紀元前一千四百戊  
百四十四年辰

**八年** 倭寇邊聞王有神德乃還倭在東南海中地方  
數千里左右小島五十餘分境內為八道凡六十六

紀元前一千四百  
百四十二年未

州國王一姓歷世不易初號天御中主其子號天村  
雲尊自後皆以尊為號傳世三十二至彥瀲尊第四  
子號神武天皇至成務天皇始建年號置大臣國都  
在山城州漢書云秦始皇時徐福入海求仙藥率童  
男女數千人五穀百工行得平原大澤止王不來至  
今倭國有徐市祠唐書云日本故魏晉隋唐時皆來  
貢武后時始號日本自言國近日所出故云乾符中  
其清和天皇賜皇子貞純姓源氏始此後有源賴朝



者摠攬國政所謂關白也至明太祖時封為國王凡軍國重事天皇尊而不與焉其俗善用槍劍性悍輕生男斷髮斑衣婦人撥眉漆齒

**十九年** 弁韓以國來降

紀元前一千五百三十年午  
紀元前一千四百二十八年申

漢元帝建昭二年。新羅王赫居世元年。高句麗東明王元年。新羅築京城號

金城○高朱蒙建國號曰高句麗自立為東明王按

史寶鑑曰高朱蒙生於遼東句麗山下在位十九年故以其姓高字冠於山名上以為國名

初東明王自稱高辛之後以高為姓一云朱蒙自謂以天帝子乘日光而生故改姓為高二說不同故兩存之○東扶餘王解扶老無子得小兒於鯤淵金色

蛙形喜而養之名金蛙蛙得河伯女柳花於優渤水

幽於室中為日影所照有娠生大卵一男子破殼而

出骨表英偉年甫七歲自作弓矢發無不中扶餘俗

謂善射者為朱蒙故名朱蒙金蛙七子忌能欲殺之

朱蒙逃至卒本扶餘其主以女妻之及其主薨無子

朱蒙嗣立都沸流水上國號高句麗東扶餘在鴨綠江邊優渤水在

寧邊府沸流水在成川

新羅王赫居世二十二年 松讓國來降高句麗封其

君為多勿侯松讓國在沸流水上

新羅王赫居世二十六年 高句麗伐荇人國滅之荇人

朝鮮歷代年表卷之一

紀元前千四百二十七年酉

紀元前千四百二十三年子



寧國

紀元前一千甲  
四百十八年午

○新羅王赫居世三十一年高句麗伐北沃沮及挹婁國滅之挹婁在不咸山北方肅慎氏之國也

紀元前一千庚  
四百十二年子

○新羅王赫居世三十七年新羅遣使吊馬韓王喪先時王遣瓢公聘于馬韓韓王責以事大之禮瓢公不

屈韓王欲殺之左右諫止之及韓王卒或說王曰韓王前辱今因其喪宜征之王曰幸人之灾不仁也遣

使弔之

紀元前一千壬  
四百十年庚

○新羅王赫居世三十九年高句麗東明王薨太子類利立即琉璃王名類利東明王太子在位三十六年○初王在

扶餘娶禮氏有娠王既去乃生類利善彈丸嘗彈雀誤中汲婦盆婦罵以無父類利歸問其母母曰汝父南奔時語妾曰有遺物藏在七嶺七谷石上松下得此者乃吾兒類利見礎石有七稜自解曰七嶺七谷者七稜也石上松者柱也乃搜得斷劍至卒本進王王出所藏劍合之果驗遂為嗣至是立

紀元前一千癸  
四百九年卯

○漢成帝鴻嘉三年○新羅王赫居世四十年高句麗琉璃王元年○百濟溫祚王元年

建國於慰禮城國號百濟自立為溫祚王在位四十六年○初朱蒙逃難於卒本扶餘娶其王女生二子長曰沸流次日溫祚朱蒙在東扶餘時娶禮氏生類



利為太子沸流温祚恐不容遂南行沸流居彌鄒忽

土濕水鹹不得安居來見慰禮都邑既定人民安泰

慚恚而歿其臣民皆歸温祚遂改國號曰百濟慰禮城今

稷山彌鄒忽今仁川○按三國史註曰解夫婁之孫

優台娶卒本延陀勃之女召西奴生温祚及優台死

召西奴寡居于卒本取為妃云

新羅王赫居世四十七年○高句麗 靺鞨圍慰禮城

琉璃王八年○百濟温祚王八年

百濟王擊走之

新羅王赫居世四十九年○高句麗 高句麗擊鮮卑

琉璃王十年○百濟温祚王十年

國降之鮮卑在北扶餘西遼東東即本國北界

新羅王赫居世五十二年○高句麗 琉璃王十四年

東沃沮來獻

良馬于新羅東沃沮在高句麗蓋馬山東東濱大

百濟徙都漢山築南平壤城嶺南漢

新羅王赫居世六十年○高句麗 琉璃王二十一年

高句麗遷都

國內築慰那巖城薛支言于王曰慰那巖城山水深

險地宜五穀王若移都不唯利民可免兵革王遂遷

都慰那巖城今義州○高句麗賜太子解明麗侯時新莽使

胡王不從莽怒降封王為侯

新羅王赫居世六十一年○高句麗 琉璃王二十二年

新羅王薨

太子南解立即南解王赫居世太子號次次雄或云

畏之故在位二十年按古昔帝王之生或有異於人者虹繞神丹而生伏義簡狄吞

稱云

紀元前一千三百  
四百  
子

紀元前一千三百  
百八十九年亥

紀元前一千三百  
百八十八年子



外而生契姜源履跡而生棄龍交大澤而生沛公新

羅之赫居世脫解闕智高句麗之未蒙駕洛國之首

於外或生於外中或出積中其亦此類邪此非出

漢平帝元始五年○新羅南鮮王元年○高句

麗王元始五年○新羅南鮮王元年○高句麗王

妻昔脫解○初多波那王娶女國王女有娠生大卵

其王以為不祥乃棄之女裹以帛置積中浮于海至

韓地老嫗得之聞見有兒遂養之以來時有鵲隨之

鳴省鵲字以昔為姓以解積而出之名脫解及長智

識過人王聞其賢以女妻之多波那國在日本東北  
二千里女國在扶桑東

千里

紀元前一千三百三十四年  
新羅南鮮王五年○高句麗琉璃王二十七年  
百濟

王伐馬韓滅之

紀元前一千三百三十四年  
新羅南鮮王六年○高句麗琉璃王二十八年  
新羅以昔脫解

為大輔委以軍國政事

紀元前一千三百三十四年  
新羅南鮮王九年○高句麗琉璃王三十一年  
扶餘國來侵高

句麗王使子無恤擊破之

紀元前一千三百三十四年  
新羅南鮮王十年○高句麗琉璃王三十二年  
高句麗王遣將

西伐梁貊滅之

紀元前一千三百三十四年  
新羅南鮮王十四年○高句麗琉璃王三十六年  
高句麗王薨



紀元前一千三百七十二年甲辰

太子無恤立即大武神王名無恤珣在位二十六年

新莽天鳳六年○新羅南解王十五年○高勾麗大武神王二十六年○百濟溫祚王四十四年

麗大武神王元年○百濟溫祚王三十八年高勾麗立東明

王廟

新羅南解王十八年○高勾麗大武神王四十年高勾麗王伐扶

餘國殺其王帶素帶素金蛙太子也金蛙卒嗣立為

王至是王使宿衛將士數十密令殺之帶素之弟恐

禍及已與左右數人出道曷思水濱立為王曷思水疑在鴨

綠江北

新羅南解王十九年○高勾麗大武神王五年○百濟溫祚王四十一年○是歲漢夏始將軍劉玄即帝

紀元前一千三百六十八年甲申

位討誅

新羅南解王二十年○高勾麗大武神王十二年新羅王薨太子

儒理立即儒理王南解王太子號尼師令方言稱王

用此在位三十三年○初王將薨召謂儒理及脫解

曰吾歿後朴昔兩姓以長年嗣位及王薨儒理讓于

脫解脫解曰神器非庸人所堪吾聞聖智人多齒試

以餅噓之儒理多齒乃立之

漢帝玄夏始三年○新羅儒理王元年○高勾麗大武神王七年○百濟溫祚王四十三年○是歲東漢

光武帝即位

新羅儒理王二年○高勾麗大武神王四十四年蓋馬蓋馬玄菟屬縣今平

月洋丞代史各卷之二



紀元前一千三十四年子

安道西邊山郡之地句茶其未詳處兩國來降高句麗

新羅儒理王四年○高句麗大武神漢帝發遼東兵

來伐高句麗不克還初漢遼東太守將兵來伐王守

城數旬漢兵圍不解左輔乙豆智曰漢兵謂城中無

水泉久圍待疲取池魚包水草兼以酒致犒王從之

漢將謂城內有水不可猝拔遂乃解圍○百濟王薨

太子多婁立即多婁王溫祚王在位四十八年

漢光武建武五年○新羅儒理王五年○高句麗大武神王十四年○百濟多婁王元年

降之先是王子好童遊於沃沮樂浪王以女妻之樂

紀元前一千三百六十四年辰

浪有鼓角自鳴則敵兵至好童將還潛謂女曰若能

入武庫割鼓面角口則我以禮迎之女如其言好童

勸王襲樂浪兵至城下樂浪王始知鼓角皆破遂殺

女出降○王子好童自殺好童王之庶子儀容甚美

王愛之王元妃恐奪嫡諧好童無禮於妾王疑之或

勸自釋曰是顯母之惡貽父之憂遂伏劍而死○高

句麗遣使朝漢帝命復王號

新羅儒理王十八年○高句麗大武神金首露建國

於駕洛今金海府初駕洛有我刀干等九人各為酋長率

其民襁飲望見龜峰有異氣就得金盒開視之有六

紀元前一千三百五十年庚



金卵不日而六男子剖殼而出奇偉長大衆咸異之  
推立始生者為主以其首出故稱首露出於金卵故  
以金為姓國號大駕洛其餘五人各為五伽倻主曰  
阿羅伽倻曰古寧伽倻曰大伽倻曰星山伽倻曰小  
伽倻王妃許氏乃南天竺國王女渡海而至王迎入  
為后生九子而二子從母姓今之金海金氏許氏皆  
首露之子孫也王壽一百五十八年

紀元前一千二百四十八年辰

新羅儒理王二十年○高勾麗大武神漢伐高勾麗  
王二十六年○百濟多婁王十六年  
樂浪取之以其地為郡縣雍水以北屬漢○高勾麗  
王薨弟解邑朱立太子年幼國即閩中王名鮮邑朱  
大武神王

之在位四年

紀元前一千三百四十七年巳

漢光武建武二十一年○新羅儒理王二十一年  
○高勾麗閔中王元年○百濟多婁王十七年  
新羅儒理王二十四年○高勾麗閔中王薨  
王薨弟解邑朱立太子年幼國即閩中王名鮮邑朱  
大武神王

紀元前一千三百三十九年午

漢光武建武二十五年○新羅儒理王二十五年  
○高勾麗慕本王元年○百濟多婁王二十一年  
新羅儒理王二十九年○高勾麗慕本王二十五年  
高勾麗杜魯殺  
王王性暴戾有諫者輒射之魯慮禍及己遂殺王國  
人奉立琉璃王孫宮太子翊不肖宮切而岐嶷故即  
太祖王名宮再思之子在位九十三年



紀元前一千三百三十八年寅  
紀元前一千三百三十六年辰

漢光武建武三十年○新羅儒理王三十年○  
高句麗太祖王元年○百濟多婁王二十六年○  
新羅儒理王三十二年○高句麗太祖王二十八年○  
高句麗伐東沃沮滅之取其地為邑因拓境東至滄海南至薩水

紀元前一千三百三十五年巳

新羅儒理王三十四年○高句麗太祖王二十九年○  
新羅王薨昔脫

解立命也後遺即脫解王姓普氏南解王長女婿在位二十三年

紀元前一千三百三十四年午  
紀元前一千三百二十九年丑

漢明帝永平元年○新羅脫解王元年○高  
句麗太祖王五年○百濟多婁王三十年○高  
新羅脫解王八年○高句麗太祖王三十七年○  
新羅王得金闕

智養為子改國號雞林王夜聞金城西始林間有鷄  
聲遲明遣瓢公視之有金色小櫝卦樹梢白雞鳴於  
下瓢公還告王使人取櫝閱之有小兒姿貌奇偉王

紀元前一千三百二十五年卯

喜謂左右曰此豈非天祚我以胤乎名其兒闕智闕  
智方言小兒之稱以其出於金櫝故姓金氏改始林  
為雞林以為國號  
新羅脫解王十年○高句麗太祖王十四年○  
百濟多婁王三十九年○新羅以宗戚朴

紀元前一千三百二十四年辰

氏分理州郡號主州主郡  
新羅脫解王十一年○高句麗太祖王十五年○  
百濟多婁王四十年○曷思王都都頭

紀元前一千三百二十三年子

以國來降高句麗  
新羅脫解王十九年○高句麗太祖王二十三年○  
百濟多婁王四十八年○百濟王薨太

紀元前一千三百二十二年丑

子已婁立即已婁王名已婁多在位五十一年  
漢章帝建初二年○新羅脫解王二十年○高  
句麗太祖王二十四年○百濟已婁王元年○百濟



紀元前一千三百一十二年辰

遣使聘新羅

新羅脫解王二十三年○高句麗太祖王薨儒理

王之子婆娑立即婆娑王姓朴氏儒理在位三十二

年

紀元前一千三百一十一年巳

漢章帝建初六年○新羅婆娑王元年○高句麗太祖王二十八年○百濟己婁王五年

紀元前一千二百九十九年丑

新羅婆娑王二十一年○高句麗太祖王二十四年○百濟己婁王二十五年○新羅築月城

移居在金城東

紀元前一千二百九十九年寅

新羅婆娑王二十二年○高句麗太祖王二十四年○百濟己婁王二十六年○新羅伐音汴

國今慶州屬安康縣滅之悉直今三陟押督今慶山二國來降新

羅

紀元前一千二百八十年子

新羅婆娑王三十三年○高句麗太祖王二十六年○新羅王薨太

子抵摩立即抵摩王名抵摩婆娑太子在位二十二年

紀元前一千二百七十九年子

漢安帝永初七年○新羅抵摩王元年○高句麗太祖王三十年○高句麗太祖王三十七年

紀元前一千二百七十八年酉

新羅抵摩王九年○高句麗太祖王三十四年○高句麗王與鮮

卑兵侵漢遼陽縣克之王以弟遂成統軍國事

紀元前一千二百六十七年丑

新羅抵摩王十三年○高句麗太祖王三十九年○高句麗太祖王

北境靺鞨在我國北界本肅慎氏遺種俗稱野人三

國志所謂揖婁元魏所謂勿吉唐所謂黑水靺鞨是

也有七十二部本不相統其種有生女真熟女真之

號生女真最繁我國平州僧今俊遁入生女真生子



日亨太師亨生活羅活羅多子長日效里鉢季日盈歌最雄傑得衆心盈歌歿效里鉢長子烏雅束嗣立烏雅束死弟阿骨打立沉毅有大志宋徽宗時叛遼帝國號金約宋滅遼阿骨打歿弟吳乞買立伐宋執徽欽北歸九世至守緒元與宋夾攻滅之至于明萬曆間守緒之後復益强大稱帝建元又改國號曰後金

紀元前一千二百六十五年卯  
紀元前一千二百六十四年辰

新羅 抵摩王十五年 ○高句麗 太祖王 百濟王 薨子 蓋婁立即蓋婁王 太子 在位三十九年  
漢順帝 永建三年 ○新羅 抵摩王 十六年 ○高句麗 太祖王 七十五年 ○百濟 蓋婁王 元年

紀元前一千二百五十八年戌

新羅 抵摩王二十二年 ○高句麗 太祖 新羅王 薨無子 儒理王 太子 逸聖立即逸聖王 太子 在位二十年

紀元前一千二百五十七年亥  
紀元前一千二百四十六年戌

漢順帝 陽嘉四年 ○新羅 逸聖王 元年 ○高句麗 太祖 王 九十二年 ○百濟 蓋婁王 十九年 高句麗王 禪位於 遂成即次大王 名 遂成 太祖 在位十九年 ○初遂成謂左右曰王老吾齒亦暮不可生待願為我計之

左右皆曰唯命左輔高福章言於主曰遂成將叛請誅之王不信至是王欲禪位於遂成福章曰遂成忍而不仁今日受大王之禪明日害大王之子孫王不以為然乃禪位於遂成退老於別宮稱為太祖太王



紀元前一千二百一十四年亥  
高句麗次大王元年○新羅逸聖王十三年○高句麗

王殺左輔高福章

紀元前一千二百一十八年午  
新羅逸聖王二十年○高句麗次大王新羅王薨太子

阿達羅立即阿達羅王名阿達羅子在位三十年

紀元前一千二百一十七年未  
漢桓帝永壽元年○新羅阿達羅王元年○高句麗次大王

紀元前一千二百一十四年戌  
新羅阿達羅王四年○高句麗次大王高句麗王殺太

祖太王元子莫勒莫勒之弟莫德亦恐被誅自縊而

死

紀元前一千二百一十七年巳  
新羅阿達羅王十一年○高句麗次大王高句麗前王

祖太王薨壽○百十九歲○明臨答夫弒王羣臣迎立王弟伯

固即新大王名伯固次大王之弟在位十四年○初王無道伯

固恐禍及已遜于山谷答夫因民不忍弒王羣臣迎

立伯固

紀元前一千二百一十六年午  
漢桓帝延熹九年○新羅阿達羅王十二年○高句麗

麗封次大王太子鄒安為讓國君初高句麗答夫之

亂鄒安逃竄至是詣闕請罪王賜狗山瀨婁頭谷二

所封之○百濟王薨子肖古立即肖古王蓋婁王子在位

四十八年

紀元前一千二百一十五年未  
漢桓帝永康元年○新羅阿達羅王十三年

新羅阿達羅王十八年○高句麗次大王漢玄菟太守耿臨

新大王七年○百濟肖古王六年



將兵來伐高句麗答夫擊破之初答夫嬰城固守漢兵攻之不克乃引還答夫率千騎追戰大破之匹馬不返

紀元前一千二百一十三年未

新羅阿達羅王二十五年○高句麗新大王十四年○百濟肖古王十三年 高句麗王薨太子男武立即故國川王名男武新大在位十七年

紀元前一千二百一十二年申

漢靈帝光和三年○新羅阿達羅王二十六年○高句麗故國川王元年○百濟肖古王十四年○新羅阿達羅王三十年○高句麗故國川王五年○百濟肖古王十八年 新羅王薨無嗣

國人立脫解王之孫伐休即伐休王姓昔氏仇鄒之子

在位十二年

紀元前一千二百一十七年丑

漢靈帝中平二年○新羅伐休王元年○高句麗故國川王六年○百濟肖古王十九年 新羅王

紀元前一千二百一十一年未

命諸將士伐召文國滅之召文國今義城

新羅伐休王七年○高句麗故國川王十二年○百濟肖古王二十五年 高句麗以處士

乙巴素為相巴素隱居鴨綠山谷中東都晏劉薦之

拜相國明政教信賞罰治民安遂賞晏劉○高句麗

立賑貸法初高句麗王出見哭者問之對曰傭力而

養母今年不登無以傭是以哭王曰孤之罪也厚賜

之仍出官穀以賑貸

紀元前一千二百一十一年子

新羅伐休王十二年○高句麗故國川王十七年○百濟肖古王三十年 新羅王薨王占

預知水旱豐稔又能孫奈解立太子早卒太孫助賁 故國人即奈解王伊買之子伐 在位三十四年○高

月洋錄代史卷之二十一



句麗王薨無嗣后于氏矯遺命立王弟延優即山上

王名延優故國在位三十一年○初王薨王后秘不

發喪夜往王弟發岐第謂曰王無後子宜嗣之發岐

責曰婦人夜行禮乎后慚又往延優延優迎立飲之

遂與入宮翌日矯命立之

漢獻帝建安二年○新羅奈解王元年○高句麗

發岐請師於遼東攻王不克自殺○高句麗立前王

妃于氏為后

新羅奈解王二年○高句麗山上高句麗築丸都城

在國內城近地通謂之國內蓋城闕雖異實一處也

紀元前一千一百八十八年甲申 新羅奈解王八年○高句麗山上百濟攻新羅腰車

拔之

紀元前一千一百七十九年乙酉 新羅奈解王十七年○高句麗山上高句麗立子郊

彘為太子初王無嗣適有郊豕逸掌者追之至酒桶

村豕躑躅不能獲有一美少女遇豕執之王聞而異

之微行幸其女有娠乃生男因其獲郊豕命名郊彘

立其女為小后○高句麗移都丸都

紀元前一千一百七十八年甲午 新羅奈解王十八年○高句麗山上百濟王薨太子

仇首立即仇首王在位二十年

紀元前一千一百七十七年乙未 漢獻帝建安二十年○新羅奈解王十九年

高句麗山上王十九年○百濟仇首王元年



紀元前一千七百七十二年庚子  
紀元前一千七百七十一年辛丑  
紀元前一千七百六十五年未

新羅奈解王二十四年○高句麗山上王二十  
四年○百濟仇首王六年○是歲魏曹丕篡漢  
新羅奈解王二十五年○高句麗山上王二十五  
年○百濟仇首王七年○是歲蜀漢昭烈即帝位  
新羅奈解王三十一年○高句麗山上王三十  
三年  
太子憂位居立即東川王名憂位居初名郊在位二

十一年

紀元前一千六百六十二年庚戌  
紀元前一千六百六十四年申  
紀元前一千六百六十二年庚戌

漢後帝建興六年○新羅奈解王三十二年○  
高句麗東川王元年○百濟仇首王十四年  
新羅奈解王三十四年○高句麗東川王十六年  
川王三年○百濟仇首王十六年  
新羅王薨婿助

紀元前一千六百六十二年庚戌  
紀元前一千六百六十四年申  
紀元前一千六百六十二年庚戌

貴立即助貴王骨正之子 伐 在位十七年  
漢後帝建興九年○新羅助貴王元年○高  
句麗東川王四年○百濟仇首王十七年  
新羅王

命將士伐甘文國滅之甘文國今開寧

紀元前一千五百五十八年寅

新羅助貴王四年○高句麗東川王魏曹叡遣使高句  
王七年○百濟仇首王二十年

麗和親○百濟王薨叔父古尔立太子幼國弟即古尔

王之弟古王在位五十二年

紀元前一千五百五十七年卯

漢後帝建興十三年○新羅助貴王五年○  
高句麗東川王八年○百濟古尔王元年

紀元前一千五百五十六年辰

新羅助貴王六年○高句麗東川王孫權遣使高句麗  
川王九年○百濟古尔王二年

通和王斬其使傳首於魏時高句麗與魏連和故也

紀元前一千五百五十四年巳

新羅助貴王八年○高句麗東川王高句麗遣將助魏  
王十一年○百濟古尔王四年

伐公孫淵

紀元前一千五百四十六年寅

新羅助貴王十六年○高句麗東川王魏幽州刺史母  
王十九年○百濟古尔王十二年

邱儉攻陷高句麗丸都王出奔魏兵退王還都初高



句麗東部人紐由詐降魏營藏刀食器刺殺魏將與之俱歿魏兵遂退

紀元前千一丁  
百四十五年卯

新羅助賁王十七年○高句麗東川王二十三年○百濟古尔王十三年

解立即沾解王之弟賁王在位十四年○高句麗築平壤城移都

漢後帝延熙二十一年○新羅沾解王元年○高句麗東川王二十一年○百濟古尔王十四年

紀元前千一戊  
百四十四年辰

追封父骨正為神葛文王國俗以追封皆稱葛文○新羅伐沙

梁國滅之沙梁國今尚州○高句麗王薨太子然弗立即中

川王名然弗東川王太子在位二十二年

紀元前千一己  
百四十二年巳

漢後帝延熙十二年○新羅沾解王二年○高句麗中川王元年○百濟古尔王十五年

新羅執昔于老奈何王子殺之倭使葛耶吉來聘新羅王使于老償之于老戲言早晚以汝王為鹽奴以汝王

如為爨婢倭王聞之怒興兵入寇于老以由已致寇單騎赴倭軍以謝燒殺還後倭使來于老妻請王私

饗其醉焚殺之

新羅沾解王十四年○高句麗中川王十七年

新羅王薨無嗣

國人立助賁王婿金味鄒即味鄒王姓金氏仇道之子闕智七世孫

在位二十三年

漢後帝景耀五年○新羅味鄒王元年○高句麗中川王十四年○百濟古尔王二十八年

立犯賊法犯者禁錮終身

百濟古尔王二十八年

百濟古尔王二十八年

百濟古尔王二十八年

百濟古尔王二十八年

百濟古尔王二十八年

百濟古尔王二十八年

百濟古尔王二十八年



紀元前千二癸 新羅味鄒王二年。○高句麗中川王十五年。○百濟古余王二十九年。○是歲蜀漢後帝降于魏漢亡。

新羅王追封父仇道為葛文王

紀元前千一乙 新羅味鄒王四年。○高句麗中川王十七年。○百濟古余王三十一年。○是歲晉武帝篡魏為帝。

紀元前千一庚 新羅味鄒王九年。○高句麗中川王二十六年。高句麗王薨子二十二年。○百濟古余王三十六年。

藥廬立即西川王

紀元前千一辛 晉武帝泰始七年。○新羅味鄒王三十年。○高句麗西川王元年。○百濟古余王三十七年。

紀元前千一庚 新羅味鄒王十九年。○高句麗西川王三十四年。高句麗王遣弟王十年。○百濟古余王四十六年。

達價使伐肅慎氏王患肅慎思得將帥羣臣薦達價

伐之拔檀盧城殺酋長

紀元前千甲 新羅味鄒王二十三年。○高句麗西川王十四年。○百濟古余王五十年。新羅王薨助賁

王太子儒禮立即儒禮王

紀元前千乙 晉武帝太康六年。○新羅儒禮王元年。○高句麗西川王十五年。○百濟古余王五十一年。

紀元前千丙 新羅儒禮王二年。○高句麗西川王十六年。○百濟古余王五十二年。高句麗殺王弟

逸友素勃二人戲樂無節出言悖逆王命武士執而

殺之。○百濟王薨太子賁稽立即賁稽王。古余王在

位十二年

紀元前千丁 晉武帝太康八年。○新羅儒禮王三年。○高句麗西川王十七年。○百濟賁稽王元年。

紀元前千壬 新羅儒禮王八年。○高句麗西川王二十二年。○百濟賁稽王六年。高句麗王薨太子

相夫立即烽上王

紀元前千癸 晉惠帝元康三年。○新羅儒禮王九年。○高句麗西川王元年。○百濟賁稽王七年。高句麗王

紀元前千丑 九十九年丑



紀元前千丁  
九十五年巳

殺叔父達價達價有大功國人倚重王忌而殺之○  
高句麗王殺弟咄固其子乙弗出奔王謂咄固有異  
心賜死國人知其無罪痛惜之

新羅儒禮王十三年○高句麗烽王十一年伊西古國今清來

攻新羅金城不克還初伊西國來攻甚急王親禦之  
忽有異兵大至皆珥竹葉以助兵勢及破敵不知所

歸人見竹葉數萬積於味鄒王陵前國人謂味鄒陰  
助因號其陵曰竹長陵

紀元前千戊  
九十四年午

新羅儒禮王十四年○高句麗烽王十二年新羅王薨侄基臨  
上王六年○百濟責稽王十二年○立即基臨王乞叔之子助在位十二年○貊人來伐

紀元前千己  
九十二年申

百濟王親率兵禦之王薨為貊兵所害子汾西立即汾西  
王責稽王子在位六年

晉惠帝元康九年○新羅基臨王元年○高句麗烽上王七年○百濟汾西王元年  
新羅基臨王二年○高句麗烽上王八年○百濟汾西王二年新羅興倭交和○高

句麗相倉助利弒王迎乙弗立之是時高句麗民飢  
相食王大發國內男女修宮室助利極諫不聽助利  
遂廢王幽於別室自經助利迎立乙弗即羨川王乙

弗烽上王太子在位三十一年

紀元前千辛  
九十一年酉  
紀元前千甲  
八十八年子

晉惠帝永寧元年○新羅基臨王三年○高句麗羨川王元年○百濟汾西王三年  
新羅基臨王六年○高句麗羨川王六年樂浪太守遣刺客殺

月羊歷代史各卷之二



百濟王輿地勝覽云昔倡郎新羅人也舞劍於百濟市中觀者如堵王聞之召見命升堂舞劍倡郎因刺

王按百濟諸王中被殺於刺客者只汾西王一人倡郎所害恐是汾西且三韓時樂浪八移居辰韓者以其本管名其居故後人仍以慶州人習此舞謂之黃倡

請樂浪似是新羅而至令慶州人習此舞謂之黃倡

舞抑無乃羅人送倡郎有若聶政仇首王子比流立

太子比流國即比流王仇首在位四十年

晉惠帝永興二年○新羅基臨王七年○高勾麗美川王五年○百濟比流王元年

新羅基臨王十二年○高勾麗美川王六年 新羅王薨無嗣羣

臣立奈解王孫訖解為王即訖解王于老之子奈解王之孫在

位四十六年

紀元前辛辛 晉懷帝永嘉五年○新羅訖解王元年○高勾麗美川王十一年○百濟比流王七年

紀元前壬午 新羅訖解王二年○高勾麗美川王十二年○倭遣使請婚於新

羅王以阿食急利女許之

紀元前丁 新羅訖解王七年○高勾麗美川王十七年○百濟比流王十三年○是歲東晉元帝即位

紀元前庚 新羅訖解王二十年○高勾麗美川王三十年○高勾麗遣使聘

後趙石勒

紀元前辛 新羅訖解王二十一年○高勾麗美川王三十七年○高勾麗王薨

太子斯由立即故國原王名斯由改名釗美川王太子在位四十

年

紀元前壬 晉成帝咸和七年○新羅訖解王二十二年○高勾麗故國原王元年○百濟比流王二十八年



紀元前千內 新羅訖解王二十六年○高句麗故國 高句麗遣使  
五十六年申 原王五年○百濟比流王三十二年

朝晉

紀元前千壬 新羅訖解王三十二年○高句麗故國 高句麗移居  
五十年寅 原王十一年○百濟比流王三十八年

丸都城燕王慕容皝攻陷王京王出奔○燕虜高句

麗王母王后發前王墓載屍而歸

紀元前千癸 新羅訖解王三十三年○高句麗故國 高句麗遣使  
四十九年卯 原王十二年○百濟比流王三十九年

朝燕王稱臣輸貢燕乃還其父屍猶留其母為質○

高句麗移都東黃城 在壤平木 見山中

紀元前千甲 新羅訖解王三十四年○高句麗故國 百濟王薨汾  
四十八年辰 原王十三年○百濟比流王四十年

西王太子契立即契王 汾西王太子 在位二年

紀元前千乙 昔穆帝永和元年○新羅訖解王三十五年  
四十七年巳 高句麗故國原王十四年○百濟契王元年  
紀元前千丙 新羅訖解王三十六年○高句麗故國 百濟王薨比流  
四十六年午 國原王十五年○百濟契王二年

王子近肖古立即近肖古王 比流 在位二十九年

紀元前千丁 晉穆帝永和三年○新羅訖解王三十七年○高  
四十五年未 句麗故國原王十六年○百濟近肖古王元年

紀元前千乙 新羅訖解王四十五年○高句麗故國 高句麗遣使  
三十四年卯 原王二十四年○百濟近肖古王九年

納質子燕王請還母燕許之

紀元前千內 新羅訖解王四十六年○高句麗故國 新羅王薨無  
三十六年辰 原王二十五年○百濟近肖古王十年

嗣 昔氏之 味鄒王侄奈勿立即奈勿王 姓金氏 未仇 之子 味鄒王

在位四十六年

紀元前千丁 晉穆帝升平元年○新羅奈勿王元年○高句麗  
三十五年巳 國原王二十六年○百濟近肖古王十一年

新



紀元前千辛  
二十一年未

羅王納金氏為妃味鄒王女

新羅奈勿王十五年○高句麗故國原百濟來攻高

句麗王親率兵拒之○高句麗王薨與百濟戰中流矢薨子邱

夫立即小獸林王名邱夫故國在位十三年○百濟

來攻高句麗平壤城高句麗王釗死於是戰○百濟移都南平

壤城

紀元前千壬  
二十年申

晉簡文帝咸安二年○新羅奈勿王十六年○高秦

符堅遣使送佛像及佛經於高句麗始此○高句麗

遣使朝秦○高句麗立太學○百濟遣使朝晉

紀元前千乙  
二十一年亥

新羅奈勿王十九年○高句麗小獸林百濟王薨太

子近仇首立即近仇首王近肖古王之太子在位十年

紀元前千丙  
十六年子

晉孝武帝太元五年○新羅奈勿王二十年○

紀元前千辛  
十一年巳

新羅奈勿王二十五年○高句麗小獸林百濟遣使如秦

時符堅

紀元前千甲  
八年申

新羅奈勿王二十八年○高句麗小獸林百濟王薨

無嗣弟伊連立即故國讓王名伊連小獸林王之弟在位八年

○胡僧摩羅陀至自晉高句麗王迎而禮之

紀元前千乙  
七年酉

晉孝武帝太元十年○新羅奈勿王二十九年○百

濟王薨弟辰斯立即辰斯王比流王之弟在位七年

紀元前千丙  
六年戌

晉孝武帝太元十一年○新羅奈勿王三十年

高句麗故國讓王二年○百濟辰斯王元年

明祥歷代史各

卷之二十一



紀元前千壬辰

新羅奈勿王三十六年○高句麗故國讓王八年○百濟辰斯王七年 新羅遣實聖于

高句麗為質實聖味○高句麗王薨子談德立即廣

闕土王名談德故國讓王太子在位二十一年○百濟王薨侄

子阿莘立即阿莘王比流王太子在位十三年

紀元前九百癸巳

晉孝武帝太元十八年○新羅奈勿王三十七年 高

句麗王遣兵伐契丹克之

紀元前九百丁酉

新羅奈勿王四十一年○高句麗廣百濟王與倭和

紀元前九百辛巳

新羅奈勿王四十五年○高句麗廣新羅實聖還自

高句麗

紀元前九百壬寅

新羅奈勿王四十六年○高句麗廣新羅王薨太子

紀元前九百癸卯

幼國人立實聖即實聖王大西知之子在位十五年

晉安帝元興二年○新羅實聖王元年○高句麗

遣未斯欣奈勿王子于倭為質王嘗恨奈勿王質已於高

遣奈勿王子于倭為質王嘗恨奈勿王質已於高

紀元前九百乙巳

新羅實聖王三年○高句麗廣開土百濟王薨國人

迎立太子腆支即腆支王阿莘王太子在位十五年○初

腆支為質倭國不還太子之仲弟訓解攝國以待太

子還季弟磔禮殺訓解自立太子聞王訃請歸國倭

王衛送太子至國界聞變入海島國人殺磔禮迎立

之



紀元前九百丙  
八十六年午  
晉安帝義熙二年○新羅實聖王四年○高晉遣使  
高麗廣開土王十四年○百濟腆支王元年

百濟冊王

紀元前九百戊  
八十四年申  
新羅實聖王六年○高句麗廣開土王三年倭置營於對馬島

鍊兵儲糧將欲來襲新羅王議發兵先擊未斯品諫

而止之○百濟王遣使聘北燕北燕王高雲祖和本

高句麗支庶也雲仕燕燕王慕容寶愛而子之賜姓

慕容氏雲後為燕王復姓高氏王遣使叙族

紀元前九百壬  
八十一年子  
新羅實聖王十年○高句麗廣開土王七年新羅遣卜好於高

句麗為質卜好未斯欣之兄也王既質未斯欣於倭

質憾猶未釋至是高句麗請質乃遣卜好為

紀元前九百癸  
七十九年丑  
新羅實聖王十一年○百濟腆支王八年高句麗王薨太

子巨連立即長壽王名巨連廣開土王之太子在位七十八年

紀元前九百甲  
七十八年寅  
晉安帝義熙十年○新羅實聖王十二年○

紀元前九百丙  
七十六年辰  
新羅實聖王十四年○高句麗長新羅土舍山在慶

崩水湧高

紀元前九百丁  
七十五年巳  
新羅實聖王十五年○高句麗長新羅訥祗弒王自

立即訥祗王奈勿王之弟麻立于方言稱在位四

十一年訥祗奈勿王之弟以宿惡既遣未斯欣

紀元前九百戊  
七十四年午  
晉安帝義熙十四年○新羅訥祗王十三年○

紀元前九百己  
七十三年未  
新羅訥祗王二年○高句麗長壽新羅王弟卜好還



自高句麗王思見上好軟良州于朴堤上弟而有謀往高句麗說麗王請上好歸堤上婆婆王

孫五世 ○軟良州于朴堤上如倭死之卜好既還王又

遣堤上於倭請未斯欣歸堤上曰倭不可以口舌諭

當以謀給之詐為亡人入倭國倭人不疑使與未斯

欣同處堤上使未斯欣潛還倭王怒縛堤上不屈倭

王愈怒剥其脚使立熱鐵之上堤上辭益厲遂燒殺

之王聞之哀痛贈大阿食使未斯欣娶其女堤上妻

上鷄述嶺望倭痛哭而灰仍為鷄述神

新羅訥祗王三年 ○高句麗長壽王七年 ○百濟 王薨太子久余辛立即久余辛王腆支王 在位六年

紀元前九百辛 七十一年 酉

紀元前九百丙 六十六年 寅

紀元前九百丁 六十五年 卯

紀元前九百己 六十三年 巳

紀元前九百庚 六十二年 午

紀元前九百辛 六十一年 未

紀元前九百壬 百六十年 申

宋武宗永初二年 ○新羅訥祗王四年 ○高句麗長壽王八年 ○百濟久余辛王元年

新羅訥祗王九年 ○高句麗長壽王六年 百濟王薨太子毗

有立即毗有王久余辛太子 在位五年

宋文帝元嘉四年 ○新羅訥祗王十年 ○高句麗長壽王十四年 ○百濟毗有王元年 高句麗

移都平壤

新羅訥祗王十二年 ○高句麗長壽王三年 百濟遣使朝宋

新羅訥祗王十三年 ○高句麗長壽王四年 宋遣使百濟冊王

新羅訥祗王十四年 ○高句麗長壽王五年 百濟王薨太子餘

慶立即蓋鹵王名慶司改名餘 在位四十四年

宋文帝元嘉九年 ○新羅訥祗王十五年 ○高句麗長壽王十九年 ○百濟蓋鹵王元年



紀元前九百乙  
五十七年亥

新羅訥祗王十八年○百濟蓋鹵王四年

高勾麗遣使朝

紀元前九百癸  
四十九年未

魏太武帝時  
新羅訥祗王二十六年○高句麗長壽王十二年百濟遣使新羅

紀元前九百甲  
四十八年申

通和  
新羅訥祗王二十七年○高句麗長壽王十三年倭入寇新羅

紀元前九百乙  
三十七年未

金城園王於獨山忽雲霧四塞謂有險阻倭乃退去  
新羅訥祗王三十八年○高句麗長壽王十四年高勾麗遣使

紀元前九百戊  
三十四年戌

朝宋  
新羅訥祗王四十一年○高勾麗長壽王二十七年新羅王薨太子

子慈悲立即慈悲王訥祗在位二十一年

紀元前九百己  
三十三年亥

宋孝武帝大明三年○新羅慈悲王元年○高勾麗長壽王四十六年○百濟蓋鹵王二十八年

紀元前九百辛  
三十一年丑

新羅慈悲王三年○高勾麗長壽王四十八年○百濟蓋鹵王三十年 新羅納金氏為

妃未斯欣

紀元前九百癸  
二十九年卯

新羅慈悲王五年○高勾麗長壽王五十年○百濟蓋鹵王三十二年 宋遣使高勾麗

冊王

紀元前九百己  
二十三年酉

新羅慈悲王十一年○高勾麗長壽王五十六年○百濟蓋鹵王三十八年 百濟遣使朝

魏獻文帝時

紀元前九百乙  
十七年卯

新羅慈悲王十七年○高勾麗長壽王六十二年○百濟蓋鹵王四十四年 新羅築明活

城移居

明活城

○高勾麗王自將攻百濟殺其王餘

慶初王自將來攻百濟王出奔遇害高勾麗浮屠道

月洋至夫史文

三十一



琳陰受王旨欲弊百濟偽得罪逃來時王好基琳仍托基見王遂昵勸王廣城郭高宮室由是倉廩虛國勢竭人民甚危琳遂逃歸及高勾麗兵至王謂子周文曰予愚而不明信用奸人言以至於此吾當死於社稷汝在此俱死無益宜避亂以存宗社文周乃南奔麗兵攻城王以數十騎出城西走麗人執而殺之

太子文周立即文周王蓋鹵王在位二年

魏前九百十六年辰

宋蒼梧王元徽四年新羅慈悲王十八年○百濟高勾麗長壽王六十二年文周王元年○百濟移都能津今公州○耽羅國獻方物于百濟

魏前九百十五年巳

新羅慈悲王十九年高勾麗長壽王百濟王出獵宿

於外解仇使盜殺之太子三斤立即三斤王文周王太子

在位二年

魏前九百十四年午

宋順帝昇平二年新羅慈悲王二十年○高勾麗長壽王六十五年百濟三斤王元年○高百濟解仇伏誅

魏前九百十三年未

新羅慈悲王二十一年高勾麗長壽王六十六年○是歲齊高帝篡宋為帝新羅王薨太子炤智立即炤智王慈悲王在位二十一年

年○齊遣使高勾麗冊王○百濟王薨從弟牟大立即東城王名年大昆支之孫在位二十二年

齊高帝建元二年新羅炤智王元年○高勾麗長壽王六十七年百濟東城王元年

新羅炤智王二年高勾麗長壽王高勾麗遣使朝齊

王六十八年百濟東城王高勾麗遣使朝齊



王與靺鞨合攻新羅取孤鳴等七城

紀元前九百五年 卯 丁

新羅王智王八年○高句麗長壽王七年○百濟東城王八年○新羅置四方郵驛○新羅王智王九年○高句麗長壽王七年○百濟東城王九年○新羅還居月城○

新羅王妃及內殿焚修僧伏誅正月十五日王幸天泉寺亭有烏舍書來鳴得其書外面云閱見二人死不閱見一人歿王曰與其二入死孰若一人歿日官奏云一人者君也王開視之書曰射琴匣王入射之果有人乃內殿焚修僧與王妃潛通者也妃與僧伏誅自是國人每歲是日以糯飯祭之烏○百濟起臨流關高五丈穿地置酒以養奇禽

紀元前九百二年 午 庚

新羅王智王十一年○高句麗長壽王七年○百濟東城王十一年○新羅初置市肆

以通四方之貨

紀元前九百年 未 辛

新羅王智王十二年○高句麗長壽王八年○高句麗王薨太子孫羅雲立太子早卒即文咨王名羅雲太子早多之子長壽王之孫在位二

十八年

紀元前八百九十五年 丑 丁

齊武帝永明十年○新羅王智王十三年○高句麗文咨王元年○百濟東城王十三年○新羅王智王十八年○百濟東城王十八年○高句麗文咨王十八年○高句麗攻取新羅

牛山城自是兩國連年相攻

紀元前八百九十二年 辰 庚

新羅王智王二十一年○高句麗文咨王二十一年○新羅王薨無嗣

奈勿王曾孫智大略立即智證王名智太略奈勿王曾孫在位



十四年

紀元前八百辛 齊和帝中興元年 ○新羅智證王元年 ○高百濟芍

加弒王王敗於西原泗泚宿封舍芍加使人弒之子

餘隆立即武寧王 名斯磨或名餘在位二十二年

紀元前八百壬 百九十年午 梁武帝天監元年 ○新羅智證王二年 ○高百濟文

齊為新羅禁殉葬 前此君薨殉以男女 ○百濟芍加

伏誅

紀元前八百癸 八十九年未 新羅智證王三年 ○高百濟武寧王二年 ○新羅定國號始稱

王 但開國以來未有王號

紀元前八百乙 八十七年酉 新羅智證王五年 ○高百濟武寧王四年 新羅遣異斯夫取

小伽椰國 今固城

紀元前八百戊 八十四年子 新羅智證王八年 ○高百濟武寧王七年 梁遣使高句麗冊

王

紀元前八百壬 八十年辰 新羅智證王十二年 ○高百濟武寧王十一年 于山國來降新

羅國在溟州東海島一名鬱陵島地方百里恃其險

不服異斯夫乃以木造獅子載之戰船抵其島誑之

日汝若不降即放此獸踏殺之國人懼乃降 ○高句

麗遣使朝梁

紀元前八百甲 七十八年午 新羅智證王十四年 ○高百濟武寧王十三年 新羅王薨謚智

證 始法太子原宗立即法興王 名原宗智在位二十



六年

紀元前八百乙 梁武帝天監十四年○新羅法興王元年○高句麗文咨王二十四年

紀元前八百己 新羅法興王五年○高句麗文咨王十八年 高句麗王薨子

興安立即安藏王 名興安太子 在位十二年

紀元前八百庚 梁武帝普通元年○新羅法興王六年○高句麗安藏王元年

紀元前八百辛 新羅法興王七年○高句麗安藏王元年 新羅遣使朝梁

紀元前八百癸 新羅法興王九年○高句麗安藏王二十二年 百濟王薨子明穰

立即聖王 名明穰 武在位三十一年

紀元前八百甲 梁武帝普通五年○新羅法興王十年○梁遣使百濟冊王

濟冊王

紀元前八百戊 新羅法興王十四年○高句麗安藏王九年○百濟聖王五年 新羅始興佛教初訥

祇王時沙門黑胡子自高句麗至時王女病革胡子

焚香祝禱病尋愈王喜而神異之炤智王時有僧阿

道者又與其徒來至留讀經律往往有崇佛奉者至

是王大興佛教

紀元前八百辛 新羅法興王十七年○高句麗安藏王十二年○百濟聖王八年 高句麗王薨弟寶

延立即安原王 名寶延安 在位十四年

紀元前八百壬 梁武帝中大通四年○新羅法興王十八年 駕洛國

王金九衡來降新羅 自始祖首露至仇衡凡十

紀元前八百丙 新羅法興王二十二年○高句麗安原王五年○百濟聖王十三年 新羅始建年號稱



建元自國初行中國年號至是○高句麗遣使朝東

魏考靖帝時

紀元前八百戊五十四年午新羅法興王二十四年○高句麗新羅伐阿尸良國

今咸興滅之○百濟移都泗泚改國號南扶餘

紀元前八百庚五十二年申新羅法興王二十六年○高句麗新羅王薨姪多音先

麥宗立年七歲太后攝政即真興王名多麥宗立宗之子法興王在位三

十六年

紀元前八百辛五十一年酉梁武帝大同七年○新羅真興王元年○新羅選童

男號風月主取童男容儀端正者求善士為徒使以孝悌忠信相勉

紀元前八百乙四十七年丑新羅真興王五年○高句麗安原高句麗王薨太子

平成立即陽原王名平成太子在位十四年

紀元前八百丙四十六年寅高句麗陽原王元年○新羅真興王二十六年

紀元前八百己四十三年巳新羅真興王九年○高句麗陽原梁遣使送佛舍利

于新羅王使百官奉迎○百濟遣使如梁時有侯景之亂使

者見城闕殘毀號泣端門之外景怒執囚之及景卒

得還

紀元前八百庚四十二年午新羅真興王十年○高句麗陽原高句麗遣使朝北

齊文宣帝時北齊遣使冊王

紀元前八百辛四十二年未新羅真興王十一年○高句麗陽新羅改元開國遣

居添夫攻取高句麗十郡設八關會其法每歲仲冬



會僧於闕庭置輪燈一坐列香燈四方又結兩綠棚  
呈百戲歌舞以祈福

紀元前八百壬  
新羅真興王十二年○高句麗陽  
原王七年○百濟聖王二十九年  
高句麗築長安城

即平壤城

紀元前八百甲  
新羅真興王十四年○高句麗陽  
原王九年○百濟聖王三十一年  
百濟王自將來攻

新羅新羅人逆戰殺王乘勢逐奔匹馬不還太子昌

立即威德王名昌聖在位四十四年

紀元前八百乙  
梁敬帝紹泰元年○新羅真興王十五年○高句麗  
陽原王十年○百濟威德王元年○是歲陳武帝篡

帝梁為

紀元前八百己  
新羅真興王十九年○高句麗陽  
原王十四年○百濟威德王五年  
高句麗王薨太子

陽城立即平原王名陽城陽原在位三十一年

紀元前八百庚  
陳文帝天嘉元年○新羅真興王二十年○  
高句麗平原王元年○百濟威德王六年

紀元前八百辛  
新羅真興王二十一年○高句麗  
平原王二年○百濟威德王七年  
高句麗遣使朝陳

紀元前八百壬  
新羅真興王二十二年○高句麗  
平原王三年○百濟威德王八年  
新羅伐大伽倻國

滅之伽倻國今高靈○陳遣使高句麗冊王

紀元前八百甲  
新羅真興王二十四年○高句麗  
平原王五年○百濟威德王十年  
新羅遣使朝北齊

紀元前八百乙  
新羅真興王二十五○高句麗  
原王六年○百濟威德王十一年  
北齊遣使新羅

冊王

紀元前八百丙  
新羅真興王二十六年○高句麗平  
原王七年○百濟威德王十二年  
新羅遣使朝陳

紀元前八百戊  
新羅真興王二十八年○高句麗平  
原王九年○百濟威德王十四年  
新羅改元大昌



紀元前八百庚寅

新羅真興王三十年○高勾麗平原北齊後主遣使

百濟冊王

紀元前八百二十年辰

新羅真興王三十二年○高勾麗平原新羅改元鴻濟

○百濟遣使朝北齊

紀元前八百十六年申

新羅真興王三十六年○高勾麗平原新羅置花郎

初君臣無以知人欲使聚遊觀其行義取美男子粧

飾之名花郎或道義相磨或歌舞相悅歲月既久邪

正自見擇而用之○新羅王薨即位之後唯謹奉佛法

亦為尼妃子金輪立即真智王名金輪真興在位三年

麗平原王十八年○新羅真智王元年○高勾麗平原王二十三年高勾

紀元前八百十五年酉

紀元前八百十三年亥

麗遣使朝後周武帝後周遣使冊王○百濟遣使朝

陳宣帝○百濟遣使朝後周武帝

新羅真智王三年○高勾麗平原王新羅王薨太孫

伯淨立太子早卒羣臣奉立伯淨即真平王名伯淨太子銅輪在

位五十三年

陳宣帝大建十二年○新羅真平王元年○高勾麗平原王二十一年○百濟威德王二十六年

新羅真平王二年○高勾麗平原王斯羅王出獵金

后稷墓乃還后稷嘗諫王好獵王不聽臨歿謂其子

曰吾不能匡君過瘞我於王遊獵路側其子從之他

日王出獵中路有聲若曰王無去王顧問之從者曰



聲從后稷墓出仍諫后稷臨死之言王流涕曰生而諫死而不忌其愛我深矣終不復獵○高句麗遣使朝隋文帝時隋遣使冊王○百濟遣使朝隋隋遣使冊王

新羅真平王五年○高句麗平原王  
新羅改元建福  
新羅真平王七年○高句麗平原王  
高句麗移都長

安城  
新羅真平王十年○高句麗平原王三十年○百濟威德王三十五年○是歲隋文帝滅陳統一天下

新羅西方大水漂没人戶三萬三百六十發使賑之  
新羅真平王十一年○高句麗平原王  
高句麗王薨

太子元立即嬰陽王名元平原在位二十八年

隋文帝開皇十一年○新羅真平王三十二年○高句麗嬰陽王元年○百濟威德王三十七年○新羅真平王十五年○高句麗嬰陽王十四年○百濟威德王十四年  
高句麗王率靺

鞞兵侵遼西隋帝大怒貶黜王爵○百濟王薨子季明立即惠王名季明威德在位一年

隋文帝開皇十九年○新羅真平王二十年  
百濟王薨子宣立即法王名宣惠在位一年

隋文帝開皇二十年○新羅真平王二十一年  
百濟王薨子璋立即武王名璋法在位四十一年



紀元前七百辛酉  
九十二年  
紀元前七百辛未  
八十一年

隋文帝開皇二十一年○新羅真平王二十二年○高句麗嬰陽王十一年○百濟武王元年  
新羅真平王三十二年○高句麗嬰陽王二十一年○百濟武王十一年  
新羅遣使如隋  
時煬帝請師討高句麗隋許之時高句麗屢侵封壇王

患之請師于隋

紀元前七百壬申  
百八十年

新羅真平王三十三年○高句麗嬰陽王十二年  
隋帝親帥兵來征高句麗先時王屢侵新羅新羅遣使如隋請師伐之帝從之自將精兵一百三十萬使宇文述等分九道會於鴨綠西旌旗巨九百餘里王遣乙支文德禦之隋師敗還初文德欲疲隋兵每戰交輒退走述等一日驟勝遂東濟薩水去平壤軍半濟麗自後擊

之隋軍俱潰死者甚衆帝大怒鎖繫述等而還

紀元前七百癸酉  
七十九年

新羅真平王三十四年○高句麗嬰陽王二十三年○百濟武王十三年  
隋帝復來征高

句麗尋班師會揚玄感叛書

紀元前七百甲戌  
七十八年

新羅真平王三十五年○高句麗嬰陽王二十四年  
隋帝復欲來征

率兵至懷遠鎮高句麗王懼乞降帝班師

紀元前七百乙亥  
七十四年

新羅真平王三十九年○高句麗嬰陽王二十八年  
○百濟武王十八年○是歲唐高祖滅隋即帝位

新羅遣使朝唐○高句麗王薨弟建武立即榮雷王

名建武嬰陽王在位二十四年

紀元前七百丙卯  
七十三年

唐高祖武德元年○新羅真平王四十年○高句麗榮雷王元年○百濟武王十九年  
高句麗遣使朝唐



紀元前七百甲  
六十八年申

新羅真平王四十五年○高句麗榮  
雷王六年○百濟武王二十四年

唐遣使新羅高

勾羅百濟冊王

紀元前七百丁  
六十五年亥

新羅真平王四十八年○高句麗榮  
留王九年○百濟武王二十七年

百濟遣使如唐

帝以羅濟數侵詔責之王遣侄福信奉表陳謝自是  
與新羅外雖順服內實相仇如舊

紀元前七百己  
六十二年丑

新羅真平王五十年○高句麗榮  
雷王十一年○百濟武王二十九年

新羅金庾信攻

陷高句麗娘臂城今清州庾信舒玄之子也率兵至娘

臂城麗人逆擊之羅軍失利庾信為中幢主謂其父

曰庾信平生以忠信自期臨戰不可不勇乃跨馬突

陣斬其將提首而來諸軍因奮擊遂陷其城舒玄首

露王後裔潛通新羅宗室女萬明有娠二十月生庾  
信背有七星文庾信見麗濟靺鞨侵軼國疆慨然有  
削平之志獨入中嶽石窟作誓詞告天有老人來授  
秘訣云

紀元前七百辛  
七十一年卯

新羅真平王五十二年○高句麗榮  
留王十三年○百濟武王三十一年

東北起扶餘城西南至海千有餘里十七年乃畢

紀元前七百壬  
百六十年辰

新羅真平王五十四年○高句麗榮  
留王十四年○百濟武王三十二年

國人立王女德曼即善德王名德曼真長女在位十三年

紀元前七百癸  
五十九年巳

唐太宗貞觀七年○新羅善德王元年○高  
句麗榮留王十五年○百濟武王三十三年

紀元前七百甲  
五十八年午

新羅善德王二年○高句麗榮  
留王十六年○百濟武王三十四年

新羅改元仁平○



百濟鑿池宮南引水二十餘里注之池中築島嶼擬作海上仙山

紀元前七百丙五十六年申

新羅善德王四年○高句麗榮留王三十六年百濟王出遊泗泚

河浦上四岸巖石錯立間以名花王醉而鼓瑟自歌

令從者舞之時人稱為大人浦

紀元前七百庚五十二年子

新羅善德王八年○高句麗榮留王四十年新羅高句麗百濟遣子弟如唐請入國學○百濟兵攻陷新羅太耶城

都督金昌釋幢下舍知竹竹歿之城將陷昌釋先殺

妻子而自刎竹竹收殘卒閉城自誓吾父名我以竹

竹者使我歲寒不凋豈可畏而生降乎遂力戰而歿

○高句麗日無光三日

紀元前七百辛五十二年丑

新羅善德王九年○高句麗榮留王四十四年新羅遣使如唐

麗濟謀欲絕新羅朝唐之路主遣使告急○百濟王薨太子義慈立即義

慈王太子在位十九年

紀元前七百乙五十五年寅

唐太宗貞觀十四年○新羅善德王十年○高句麗榮留王二十四年○百濟義慈王元年

麗泉蓋蘇文弒王立王侄子藏即寶藏王名藏榮留王之侄在位二十六年○泉蓋蘇文一名蓋金姓泉自云生

水中以惑眾狀貌雄偉意氣驚悍嗣其父為東部大人惡其凶殘與王密議欲誅事泄蘇文以部兵設諸

大人百餘遂入宮弒王立藏為王自為莫離支即官名



如唐兵部尚書中書令也專擅國事○百濟王親率兵收新羅西彌猴四十餘城拔之

紀元前七百癸四十九年卯

唐太宗貞觀十七年○新羅善德王十一年高句麗高句麗麗寶藏王元年○百濟義慈王二年

蓋蘇文脅唐使于窟室中先是新羅遣使於唐上言百濟與高句麗將大舉兵願乞師以救帝遣使賜璽書諭以戢兵蓋蘇文不奉帝詔弑其君賊其大臣殘虐其民今又違我詔命不可不討遣將儼諭旨蓋蘇文以兵脅囚儼帝手詔責蓋蘇文之罪率師親征

紀元前七百甲四十八年辰

新羅善德王十二年高句麗麗寶藏王二年○百濟義慈王三年 新羅遣金庾信伐

百濟取加兮等七城

紀元前七百乙四十七年巳

新羅善德王十三年高句麗麗寶藏王三年○百濟義慈王四年 唐帝親征高句麗

新羅王發三萬兵助之○新羅王薨王寬仁明敏唐帝賜牧丹花圖及花子王曰此花絕艷而花無蜂蝶必無香氣種其子果然又一日玉門池蝦蟆大集王曰蝦蟆兵象吾聞西南有玉門谷意有隣兵至其谷乎命將搜之果有百濟兵來屯掩擊殺之又能預言灰日至期果驗世稱王知幾三事從弟勝曼立即真德王各勝曼善德王弟國飯之女在位九年○唐帝來攻高句麗安市城不克班師初唐兵至遼東攻安市城六旬不下帝以遼左早寒糧且盡勅班師乃耀兵於城下而



旋城主登城拜辭帝嘉其固守賜縑百匹以勵事君

按安市城在遼東城主姓名乃楊萬春也見於太宗東征記○又按李穡詠貞觀詩曰謂是囊中一物耳

那知玄花落白羽蓋謂太宗東征中箭傷目也金宗直選詩青邱風雅註曰太宗傷目事不出史傳而穡

遊學中原豈有所聞耶徐居正東人詩話亦云當時史官必為中國諱無怪乎不書也

紀元前七百丙 四十六年午

唐太宗貞觀二十年○百濟義慈王五年○新羅改

元太和○百濟來攻新羅茂山等城否寧子力戰死

之時新羅金庾信拒百濟兵戰力竭軍有否寧子者

格殺數人而歿其子舉真曰見父歿而偷生豈得為

孝遂赴敵而死其奴合節曰兩主皆歿何可獨生亦

歿於敵三軍感激齊奮擊之百濟兵大敗而歸○高

紀元前七百戊 四十四年申

句麗東明王母塑像泣血三日

新羅真德王三年○高句麗寶藏王六年○百濟義慈王七年 新羅遣金庾信伐百

濟大破之

紀元前七百己 四十三年酉

新羅真德王四年○高句麗寶藏王七年○百濟義慈王八年 新羅冠服從華制

紀元前七百庚 四十二年戌

新羅真德王五年○高句麗寶藏王八年○百濟義慈王九年 新羅王自製太平頌

遣使獻唐以其頌織錦○新羅始行唐永徽年號初

新羅使臣甘帙許如唐帝問新羅臣事大朝何以別

稱年號對曰天朝不曾頒正朔自先祖私有紀年若

大朝有命小邦何敢焉自是行唐年號

紀元前七百辛 四十一年亥

新羅真德王六年○高句麗寶藏王九年 新羅正月朔始受百



官朝賀禮賀正之始此

紀元前七百甲  
三十八年寅

新羅真德王九年○高句麗寶藏王十三年新羅王薨羣臣奉

金春秋為王即武烈王名春秋龍春之子真智王之孫在位七年○

高句麗有神人見於馬嶺山謂人曰汝國君臣奢侈

無度亡無日矣

紀元前七百乙  
三十七年卯

唐高宗永徽六年○新羅武烈王元年○高句麗寶藏王十三年○百濟義慈王十四年

紀元前七百丙  
三十六年辰

新羅武烈王二年○高句麗寶藏王十四年○百濟義慈王十五年百濟王殺諫臣佐

平成忠先是王作望海亭平宮女淫酗耽樂成忠極

諫王怒囚之成忠不食賜死上書曰忠臣死不忘君

願一言而死臣觀時察變必有兵革敵兵若來使陸

不過炭峴水不入白江據險以禦王不省遂死獄中

自是無敢言者佐平官名

紀元前七百己  
三十三年未

新羅武烈王五年○高句麗寶藏王十八年百濟來攻新羅獨

山桐岑等城創漢山州今京都壯義寺○新羅王欲伐

百濟請兵於唐不報憂形於色若有長春罷郎曰唐

帝已命蘇定方等領兵將以明年五月伐百濟因忽

不見王異之創寺以資冥福長春罷郎嘗戰死百濟

者也○九虎入高句麗城中○衆狐入百濟宮中○

百濟王都井水及泗池河水赤如血有鬼見於宮中

○鬼入百濟宮中大呼曰百濟亡百濟亡即入地中



王使人掘之乃龜背有文曰百濟同月輪新羅如月  
新王問之巫解曰同月輪者滿也滿則虧如月新者  
未滿也未滿則盈王怒殺之或曰同月輪者盛也如  
月新者微也意國家盛新羅微王悅○唐帝高宗遣大  
將蘇定方等與新羅兵來伐百濟先是百濟王攻取  
新羅北京諸城又與高句麗謀絕新羅朝唐之路新  
羅告急於唐帝以蘇定方為大總管以金仁同副之  
帥水陸軍伐之勅新羅王為聲援羅王帥金庾信等  
出師王問戰守便宜或言先擊唐兵或言先擊羅兵  
王又問於興首對曰宜陳勇士守要衝使唐兵不得

入白江羅軍不得過炭峴重閉固守待其兵疲金盡  
宜擊破之興首嘗得罪竄外故左右皆曰興首怨君  
不愛國其言不可用王不從興首之議○唐羅兵圍  
百濟都城拔之王歎曰悔不用成忠之言以至於此  
與太子夜遁熊津城王宮諸姬走大王浦巖石上墜  
死後人名其巖曰落花巖王知不克詣定方降新羅  
王大置酒宴定方及將士使義慈行酒於堂上羣臣  
莫不嗚咽流涕○定方以義慈及王子大臣將士八  
十八人百姓萬二千八百七人渡海還唐唐以百濟  
地為熊津等五郡都督府命劉仁願留鎮泗泚城○



紀元前七百庚  
三十二年申

新羅武烈王六年○高句麗寶藏王十八年新羅王親  
率兵與唐將蘇定方合攻百濟滅之○初新羅王遣  
金仁同乞師伐百濟唐帝命蘇定方金仁同帥水陸  
軍伐百濟勅王為聲援王率金庾信等出師合攻滅  
之○義慈病歿帝命葬孫皓陳叔寶墓側○起温祚  
王元年癸卯至義慈王末年庚申凡三十世歷年共  
六百七十八年○高句麗平壤河水赤色如血三○  
唐帝遣李勣等率宿衛兵來攻高句麗十六城皆降  
之

紀元前七百辛  
三十一年酉

新羅武烈王七年○高  
句麗寶藏王十九年 故百濟王子豐稱王據周留

城新羅王遣將伐豐豐奔高句麗○初百濟義慈王  
子豐嘗質倭國百濟宗室福信等迎立為王據周留  
城西北部皆響應豐率諸軍圍唐將劉仁願於熊津  
城唐帝乃命劉仁軌討豐新羅王遣金欽純擊之豐  
敗走高句麗餘眾悉降○新羅王薨廟號太宗太子法敏  
立

文武王名法敏太子在位二十年

**元**年唐高宗龍朔二年○高耽羅國今濟州來朝

**七年**年高句麗寶藏王二十六年王率諸將與唐李勣等

伐高句麗滅之初唐遣李勣等伐高句麗諭王發兵

紀元前七百壬  
百三十年戌  
二十四年辰



助之王以金欽純金仁問為將親率兵與唐軍合攻  
陷平壤城王出降李勣執王及王子大臣等二十餘  
萬人以歸唐置安東都護府以薛仁貴為平壤都護  
使鎮之帝以王藏政非已出遣還遼東藏與靺鞨潛  
通欲謀叛帝召藏還及藏卒帝命葬頡利墓坐按高句麗  
秘記曰不及八百年當有八十大將滅之蓋高句麗凡二  
十八世歷年共七百五年

經前七百庚  
二十二年午

**九年**故高句麗王庶子安勝稱王請附王遣使冊為  
王時高句麗釗牟岑欲圖興復殺唐宮人迎立安勝  
于漢城遣使請附王處之國西金馬渚唐帝遣將討

安勝安勝來辭王冊為報德王妻以外妹或曰安勝未詳

經前七百  
二十年申

**十一年**以任強首為沙飡強首生而頭後有高骨及  
長好讀書通曉義埋唐韻書至有難解處強首能解  
之王驚喜問其姓名對曰臣本任那加良人牛頭也  
王曰見卿頭骨可稱強首遂名之使製謝表文工而  
意盡王益奇之至是授是職○太舒發翰金庾信  
卒先是大星隕王憂之庾信進曰今之變異厄在老  
臣非國家之灾也至是庾信疾革王親臨問疾及卒  
年七十九王震悼以軍樂鼓吹葬之命有司立碑紀



功

紀元前十甲  
百十七年戌

**十三年** 唐帝削王爵遣劉仁軌來討時王納高勾麗  
叛眾又據百濟故地帝大怒削王爵以王弟仁問為  
鷄林州大都督發兵討之

紀元前七乙  
百十七年亥

**十四年** 頒銅印于百司及州郡○唐帝遣使復王爵  
王遣使謝罪 帝有是命 ○靺鞨來寇阿達城城主素那死之

紀元前七甲  
百十七年巳

**二十年** 王薨以遺詔葬於東海口大石山 太子政明立  
神文王名政明文武帝太子 在位十一年

紀元前十七  
百十年午

**元年** 唐高宗永  
**三年** 遣兵討金馬渚賊剿平之先是報德王安勝族

紀元前七甲  
百八年申

子太文據金馬渚謀叛伏誅餘眾殺官吏據報德城  
以叛遣將討平之徙其餘眾於國南州郡以其地為  
金馬郡

**十七年** 擢薛聰高秩官王嘗燕居引聰曰子有異聞

紀元前壬  
七百年辰

為我陳之聰曰昔花王之始來也一佳人名薔薇朱  
顏玉齒願為枕於香帷又有一丈夫名曰白頭翁布  
衣草帶偃僂而來曰凡為君者莫不親近老成而興  
昵比妖艷而亡王聞之愀然曰請書之以為戒遂擢  
聰高秩聰字聰智父元曉嘗為沙門淹該佛書既而  
反本娶瑤石宮寡夫人生聰聰生而明銳既長博學



能文以方言解九經義訓導後生又以俚語製吏禮

行於官府○王薨太子理洪立

孝昭王名理洪神文王太子在位十年

**元年**唐中宗嗣聖十年置醫學

**十年**王薨無嗣國人立王弟隆基

聖德王名隆基後避唐玄宗諱改興光孝昭王之弟在位三十五年

**元年**唐中宗嗣聖二十年封金庾信妻為夫人歲賜租一千石

時庾信妻落髮為尼王曰今中外平安高枕無憂太

天角之賜也夫人儆戒相成陰功亦多寡人不忌于

心乃有是命

紀元前六百九十九年巳

紀元前六百八十九年卯

紀元前六百七十九年

**十一年**大祚榮據太伯山今寧邊妙香山唐封為渤海郡王

渤海本粟末靺鞨即高句麗別種祚榮父乞乞仲象

與其徒渡遼水保太伯山東仲象歿祚榮嗣驍勇善

騎射高句麗餘燼稍稍歸之乃建國自號震國地方

千里有數萬兵盡得扶餘沃沮朝鮮之地至是唐封

為渤海郡王云

**十五年**命置先聖畫像于太學太監守忠回自唐上

文宣王十哲七十二弟子畫像有是命○造漏刻

**十九年**倭寇東鄙命將擊破之

**二十四年**唐帝勅賜涇江以南

紀元前六百七十五年巳

紀元前六百六十二年未

紀元前六百五十六年子



紀元前六百丁  
五十五年丑

**三十五年** 王薨太子承慶立

孝成王名承慶聖德王太子在位五年

紀元前六百戊  
五十四年寅

**元年** 唐玄宗開元

紀元前六百壬  
百五十年午

**五年** 王薨以遺命燒棺散骨東海無嗣弟憲英立

景德王名憲英孝成王之弟在位二十三年

紀元前六百癸  
四十九年未

**元年** 唐玄宗天寶二年

**五年** 大雷電震真平王陵

紀元前六百丁  
四十五年亥

**十四年** 遣使朝唐帝于蜀時玄宗避祿山亂幸蜀使

至成都帝親製十韻詩手札賜王

紀元前六百丁  
三十五年酉

**十五年** 置九州分統州縣

紀元前六百乙  
三十四年巳

**二十三年** 王薨太子乾運立時年八歲母后攝政

惠恭王名乾運景德王太子在位十五年

紀元前六百丙  
二十六年午

**元年** 唐代宗大曆元年 正月兩日並出王恐懼修省盡弭灾

之道

紀元前六百丙  
十六年辰

**十一年** 始立五廟味鄒王為金氏始祖太宗王文武

王平麗濟有大功德為不遷之主並祖稱為五廟

**二十三年** 虎入宮中

紀元前六百戊  
十四年午

**十四年** 遣金巖聘日本巖使信曾孫性聰敏少為伊

食入唐宿衛就師學陰陽家術自述遁甲立成法示

其師師曰不圖明達至此及還為執事侍郎鎮浪江



教六陣兵法人皆便之至是聘日本日本主知其賢欲留會唐使來相見甚懼日本主以巖為大國所知不敢留乃還

紀元前六百庚十二年申

**十五年** 金志貞作亂圍王宮金良相誅志貞因弒王

自立時王淫于聲色戲謔無度綱紀紊亂人心離叛志貞聚眾作亂良相與敬信舉兵誅之王與后妃為亂兵所害良相自立為王

宣德王 名良相孝芳之子 在位五年

**元年** 唐德宗建中二年

**五年** 王薨 以遺詔燒柩散骨東海 無嗣國人立奈勿王後孫敬

紀元前六百辛十一年酉 紀元前六百乙百七年子

信

元聖王 名敬信孝襄之子 在位十四年

**元年** 唐德宗貞元二年

**三年** 始設讀書出身科 前此但以射遠選人至是設此科

**十四年** 王薨 以遺詔孫俊邕立

昭聖王 名俊邕仁謙之孫 在位一年

**元年** 唐德宗貞元十六年 王薨太子清明立 時年十三歲叔父彦休攝政

哀莊王 名清明改名重 在位九年

**元年** 唐德宗貞元十七年

**九年** 彥昇弒王自立

紀元前五百庚九十二年辰 紀元前六百辛九十二年巳 紀元前五百乙八十二年丑



憲德王名彥昇昭在位十七年

紀元前五百庚  
八十二年寅  
唐憲宗元  
和五年

**七年**遣將軍金雄元助唐討李師道唐帝遣使  
徵兵故也

**十七年**築沮江長城周遭三  
百里○王薨太子秀宗立

興德王名秀宗改名景  
徽憲德王太子在位十年

紀元前五百丁  
六十五年未  
唐文宗太  
和元年

**元年**王薨無嗣金明等立王堂侄悌隆時王堂弟均

貞與悌隆爭立金明等殺均貞立悌隆

僖康王名悌隆憲貞之子  
元聖王之玄孫在位三年

**元年**均貞子祐徵往投青海鎮祐徵懼禍

紀元前五百丁  
五十五年巳

收餘兵往依青海鎮大使張保臯謀復父讎

**二年**金明弒王自立

**三年**金陽等討金明誅之立祐徵為王

神武王名祐徵均貞之子  
元聖王之曾孫在位四月王薨太子慶膺

立

文聖王名慶膺神  
武王太子在位十八年

**元年**唐文宗開

**六年**三日并出

**十八年**王薨叔父誼靖立太子先卒誼  
靖以遺命立

憲安王名誼靖神  
武王之弟在位四年

紀元前五百庚  
五十二年申  
紀元前五百乙  
四十七年丑  
紀元前五百丁  
三十五年丑

紀元前五百戊  
五十四年午  
紀元前五百己  
五十三年未



紀元前五百戊 三十四年庚 唐宣宗大 中十二年

**元年** 王薨 膺廉立 王無嗣膺廉以遺命立

景文王 名膺廉啓明之子 膺廉王之曾孫 在位十四年

紀元前五百壬 三十年 唐懿宗 咸 通三年

**十四年** 王薨 太子政立

憲康王 名景文王子 在位十一年

紀元前五百丙 十六年 唐僖宗 乾 符三年

**四年** 王出遊 鶴城還至海浦有異人詣王前歌舞王

與之入京賜爵又有四神人衣巾詭異形容可駭不知所從來歌舞駕前其歌曰智異多逃都破破等語

蓋謂以智異國者多逃而都邑將破故歌以警之也 時人反以瑞焉 鶴城今蔚山

紀元前五百乙 十七年 唐致遠 年十二隨海舶入

**十年** 崔致遠奉帝詔還自唐致遠年十二隨海舶入

唐尋師力學十八登第為侍御史內供奉時苗巢叛

為高駢從事檄文狀牒俱出其手巢見檄書至不惟

天下之人皆思顯戮抑亦地中之鬼已議陰誅之勾

不覺下床自此名振天下至是乃還時年二十八

**十一年** 王薨 弟晃立

定康王 名晃憲康王之弟 在位一年

**元年** 唐僖宗 光 王薨 無嗣 女弟曼立 羣臣以遺命立之

紀元前五百丁 百五年 未

紀元前五百丙 百六年 午

紀元前五百乙 百七年 巳



真聖王名曼定康王之女弟在位十年

**元年**唐僖宗文德四年

**二年**囚隱者王巨仁已而釋主淫穢瀆亂素與魏弘

通私死潛引年少美丈夫私之授以要職由是佞幸

肆志紀綱壞弛盜賊大起時有人譏之時政榜於路

主為巨仁所為囚巨仁將誅之巨仁憤怨作詩書獄

壁曰于公痛哭三年旱鄒衍含悲五月霜今我幽愁

還似古皇天無語但蒼蒼是夕忽雷震雨電王懼釋

之

**四年**弓裔叛據北原裔憲安王庶子生於重午日生

紀元前五辛丑年

而有齒日官勸王殺之乳母抱而逃誤以手觸之眇

一目年十餘祝髮為僧自稱彌勒佛不拘僧佛律見

盜賊蜂起初投竹山賊又投北原賊北原今原州梁吉分

兵東略累戰輒勝初都松岳自稱後高麗後徙鐵圓

國號泰封

**五年**唐昭宗景福元年甄萱叛據完山萱尚州人

紀元前五辛丑年

本姓李父阿茲介以農自活耕於野其母餉之時萱

生未久置諸林下虎來乳之及長自改姓曰甄初赴

海成為裨將見女王政亂民飢盜起遂懷異志聚眾

侶劫掠州縣仍投北原賊梁吉後據自稱後百濟完山



州今全○崔致遠隱伽倻山致遠欲展蘊抱而被世忌

疑出為太山富城等太守自歎不遇無復仕進意遂

挈家隱伽倻山世莫知所終所著文集行於世太山今泰

仁富城今瑞山

**十年**

後百濟 萱六年

王禪位于太子曉 曉憲康王之庶子

王立為太弟至是王謂左右曰近年以來百姓困窮

盜賊蜂起此由於孤之不德也讓賢避位吾意決矣

遂禪于曉

孝恭王

名曉憲康王之庶子

在位十五年

**元年**

唐昭宗光化元年 後百濟 萱七年

紀元前四百丁 九十五年巳

紀元前四百戊 九十四年午

**十五年**

後百濟 萱十六年 是歲後梁篡唐為帝

**十五年**

後百濟 萱二十一年

王薨無嗣國人立阿達羅王遠

孫景暉

神德王

姓朴氏名景暉又兼之 子阿達羅王之遠孫

在位五年

**元年**

後百濟 萱二十二年 後百濟 萱二十三年

**五年**

後百濟 萱二十六年 王薨太子昇英立

景明王

名昇英神德王之太子

在位七年

**元年**

後百濟 萱二十七年 後百濟 萱二十八年 高麗太祖元年

弓裔諸將立

王建為王國號曰高麗時建為裔將屢著邊功位冠

百僚衆心屬建建懼禍不樂居位每求外鎮時弓裔

紀元前四百丁 八十五年卯 紀元前四百丁 八十五年申

紀元前四百癸 七十九年酉 紀元前四百丁 七十五年丑

紀元前四百戊 七十四年寅



誣搆叛亂日殺將相其妻康氏諫奮怒以燒鐵撞其陰殺之并殺其兩子凶虐日肆洪儒裴玄慶申崇謙卜智謙等推戴建為王裔聞之驚駭曰王公得之吾事已矣乃亡去尋為斧壤民所害斧壤今平康○高麗都松嶽定官制建元天授設八關會即新羅故事○初王隆築室松嶽之南一日僧道詵來憇門外稱歎曰此地當出聖人隆聞之出迎詵作一封書授之曰公明年必得貴子已長與此書及期果生神光繞室年十七詵復至請見王告以出師置陣之法天時地利之理及長仕弓裔為侍中裔政亂眾心咸歸於王將士推

戴逵即位於鐵圓

四年

後百濟甄萱三十四年王遣使聘高麗

六年

後百濟甄萱三十二年○高麗太祖

七年

後百濟甄萱三十三年王遣使朝後唐○王薨無

嗣弟魏膺立○高麗遣使朝後唐

景哀王名魏膺景明王之母弟在位三年

元年

後唐莊宗同光三年○高麗太祖八年

二年

後百濟甄萱三十五年契丹滅渤海為東丹國契

丹在我國北界女真之東即今建州衛梁史曰契丹東胡種也其先國在橫山本鮮卑舊地元魏時自稱

紀元前四百辛  
七十一  
年 巳

紀元前四百癸  
六十九  
年 未

紀元前四百甲  
六十八  
年 申

紀元前四百乙  
六十七  
年 酉

紀元前四百丙  
六十六  
年 戌



契丹至梁均王時阿保機並渤海諸國始稱帝建元至石晉高祖時改號遼後大舉入寇執出帝以歸宋真宗時又入寇抵澶州真宗親征約和為兄弟徽宗時金約宋共滅之

魏前四百丁  
六十五年亥

**三年**

後百濟甄萱三十六年甄萱襲王都弒王時王淫

縱無道與國人左右出遊鮑石亭置酒令美人奏繁華之曲時人比之後庭花時萱兵猝至王走匿城角離宮萱縱兵索王逼令自殺強辱王妃縱其下亂諸嬪宮盡取子女百工兵仗珍寶而歸○立王表弟金溥○甄萱圍高麗王於公山大將軍申崇謙死之王

聞萱攻陷新羅親率兵邀萱於公山洞藪大戰不利萱兵圍王急崇謙容貌酷似王崇謙知勢窮使王隱於藪藪中代乘王車力戰死之王遂得脫哀崇謙追謚壯節

敬順王

金氏名溥伊冷孝宗之子文聖王之後孫 在位八年

**元年**

後唐明宗天成三年○高麗太祖十一年

**四年**

後百濟甄萱四十年 王與高麗王會宴于臨海

殿○王遣使高麗王請相見麗王以五十騎往會酒酣王曰小國不天為甄萱掾喪滋然泣下左右莫不嗚咽麗王亦流涕慰藉之因留數旬而還麗王之初

魏前四百戊  
六十四年子  
魏前四百甲  
六十一年卯



至肅隊而行秋毫不犯都人士女舉手相慶曰昔甄氏之來如豺虎今王公之至如見父母○高麗遣使來聘

紀元前四百  
五十九年

丙午

後百濟甄萱四十二年  
○高麗太祖十六年

後唐遣使高麗冊王高

麗始行後唐年號

朝鮮歷代略卷之一 終



